

Morning Dogri (NSD) National News Bulletin 30-08-2024

आकाशवाणी

- प्रधानमंत्री नरेन्द्र मोदी होर मुंबई ते पालघर दे दौरे पर जा'रदे न जित्थें ओह् ग्लोबल फिनटैक फैस्ट (जीएफएफ) 2024 गी संबोधत करगंन।
- पाकिस्तान ने संघाई साथ सहयोग संगठन दी अक्टूबर च होने आहली बैठक लेई प्रधानमंत्री नरेन्द्र मोदी होरें गी इस्लामाबाद औने दा साददा दित्ता ऐ।
- मूडी दर्जोबंदी नै 2024 आले माली ब'रे लेई भारत दे सकल घरेलू उत्पाद जीडीपी च बाद्धा करदे होई 7.2 फीसद करी दित्ती ऐ।
- कोयला मंत्रालय नै कोयला माल समेयान योजना तैहत प्राथमिकता आली 38 रेल परियोजनाएं दी पंछान कीती ऐ।
- पैरिस पेरालंपिक 2024 खेड्डें च शीतल देवी ते राकेश कुमार दी भारतीय जोड़ी नै मिक्सड कंपाउंड तीरंदाजी च पेरालंपिक दा नमां रिकार्ड कायम कीता ऐ।

<><><><><><>

PM Visit

प्रधानमंत्री नरेन्द्र मोदी होर महाराष्ट्र च मुंबई ते पालघर जांगन। बडलै 11 बजे ओह् मुंबई दे जियो वर्ल्ड कन्वेंशन महोत्सव-2024 गी संबोधत करगंन। ओह् दपैहरी तकरीबन 1 बज्जियै 30 मिंटे पर पालघर दे सिडको मैदान च बक्ख-बक्ख विकास परियोजनाएं दा उद्घाटन ते नीह्-पत्थर रखगंन। प्रधानमंत्री होर वाढवण बंदरगाह दा शिलान्यास करगंन। इस परियोजना पर लगभग 76 ज्हार करोड़ रपे दी लागत औग। एह्दा मकसद विश्व सतह दे समुंद्री प्रवेश द्वार कायम करना ऐ जेह्ड़ा बड्डे कंटेनर जहाजें दे रक्ख-रखाव ते बड्डे माल ढोने आले जहाजें गी समायोजित करियै मुख्य दे बपार ते आर्थिक विकास गी बढ़ावा देग। आकाशवाणी संवाददाता दी रिपोर्ट मूजब पालघर जिले दे दहानू कस्बे कश स्थित वाढवण बंदरगाह भारत दे बड़े डूहगे पानी दे बंदरगाहें चा इक होग।

प्रधानमंत्री होर लगभग इक जहार 560 करोड़ रुपे दी 218 मच्छी पालन सरबंधी परियोजनाएं दा उद्घाटन ते नीह—पत्थर रक्खगन।

<><><><><><>

Pakistan PM Modi

पाकिस्तान नै इस ब'रे अक्तूबर महीने च इस्लामाबाद च होने आली शंघाई सैहयोग संगठन एससीओ दी बैठक च हिस्सा लैने लेई औपचारिक साददा दित्ता ऐ। साप्ताहिक संवाददाता सम्मेलन च पाकिस्तान दे विदेश मंत्रालय दे प्रवक्ता मुमताज जाहरा बलोच होरें आखेआ जे 15 ते 16 अक्तूबर गी इस्लामाबाद च औंदे शासनाध्यक्ष परिषद दी बैठक आस्तै प्रधानमंत्री नरेन्द्र मोदी हुंदे सनें एससीओ दे सारे शासन अध्यक्षें गी साददा दित्ता गेआ ऐ। एससीओ दे 9 सदस्य मुल्खें च भारत, ईरान, कजाखिस्तान, चीन, किर्गिज गणराज्य, पाकिस्तान, रूस, तांजिकिस्तान ते उज्बेकिस्तान शामिल न।

<><><><><><>

India GDP

मूडी दर्जबंदी नै माली ब'रे 2024 आस्तै भारत दे सकल घरेलु उत्पाद जीडीपी च बाद्धे दा अनुमान जाहर कीता ऐ। एह हुन बधाइयै 1.2 फीसद कीता गेआ ऐ जेहड़ा मूडी दे पिछले अंदाजे 6.8 फीसद थमां मता ऐ। न्यूयार्क आधारित दर्जबंदी सरबंधी अजेंसी मूडी नै ब'रे 2025 आस्तै 6.6 फीसद दा अनुमान जाहर कीता ऐ, जेहड़ा पैहले 6.4 फीसद हा। इनें संशोधित अनुमानें आली रिपोर्ट मजबूत ते व्यापक विकास पर आधारित बेहतर व्यवसायिक स्थितिएं थमां प्रेरित दस्सेआ गेआ ऐ। रिपोर्ट मुजब सख्त माली मौद्रिक नीति ते व्यापक ते बड़्डे आधार पर विकास—बाददे आले जतनें दे बावजूद 2024 दी पैहली तिमाही च भारती अर्थबवस्था हर ब'रे 7 इशारिया 8 फीसद बधी ऐ।

<><><><><><>

Coal Ministry

कोयला मंत्रालय नै माल समेयान ते होरने चीजें सरबंधी योजना तैह्त 38 पैहल आली रेल परियोजनाएं दी पंछान कीती ऐ।

सारियां परियोजना रेल मंत्रालय कन्नै तालमेल कायम करदे होई तौले थमां तौले पूरिया कीतियां जांगन। इनें परियोजनाएं दा मकसद रेल राबता बेहतर करना, समें सिर कोयले दी आपूर्ति जकीनी बनाना, यात्रा लागत गी घट्ट करना ते मुख्य भरै च कोयले दी पुज्ज गी बधाना ऐ।

<><><><><><>

BJP

भारतीय जनता पार्टी दी केन्द्री चुनां कमेटी नै जंदी संजा नमीं दिल्ली च पार्टी दे सदर दफ्तरै च मलाटी कीती। बैठक च प्रधानमंत्री नरेन्द्र मोदी, गृहमंत्री अमित शाह, बीजेपी दे अध्यक्ष जे.पी.नड्डा हरियाणा दे चुनां प्रभारी ते केन्द्री मंत्री धर्मेन्द्र प्रधान ते पार्टी दे होरने वरिष्ठ लीडर शामिल हे। एह बैठक हरियाणा च विधानसभा चुनाएं लेई मेदवारें दे नां तैह करने लेई कीती गई। तोआई नमीं दिल्ली च गै बीजेपी दी हरियाणा कोर कमेटी दी बैठक बी होग। एह बैठक पार्टी अध्यक्ष जे.पी.नड्डा हुंदी कोठी होई जेहदे च गृहमंत्री अमित शाह, केन्द्र मंत्री धर्मेन्द्र प्रधान ते पार्टी दे होरने वरिष्ठ नेता बी शामिल होए।

<><><><><><>

ED Search

मली नियम कायदे लागू करोआने आहले निदेशालय ईडी नै खाड़ी मुख्यें थमां नशें दी तस्करी करने आहले अंतर्राष्ट्री नशा तस्कर जसमीत हाकिमजादा मामले दे सरबंधै च दिल्ली, मुंबई, अमृतसर, जलंधर, सोलापुर ते इंदौर सने 10एं शैहरें च छापे मारे न। जसमीत हाकिमजादा अमरीका दे विदेशी नशा तस्करें दे कानून फारेन नारकोटिक्स किंगपिन डेजीगनेशन एक्ट तैहत् टकोहदे विदेशी नशा तस्करें दी सूची च बी शामिल ऐ। एह छापे काले धनै गी जायज बनाने थमां रोकने सरबंधी कानून तैहत् मारे गे। छापें दरान जसमीत ते ओदी पत्नी दे नांS उप्पर दिल्ली च इक गुप्त बैंक लॉकर दे बारै पता लगा जेहदे च 1 किलो सुन्ना ते 370 ग्राम हीरे दे गैहने बरामद होए।

<><><><><><>

IMD

मौसम विभाग नै अगले 2 थमां 3 दिनें दे अंदर—अंदर ओडिशा, तटीय कर्नाटक, केरल ते माहे च बरखा पौने दी संभावना जाह्र कीती ऐ। कर्नाटक, तटीय आंध्रप्रदेश ते तेलंगाना च अज्ज ते मुख्य दे पूर्वोत्तर हिस्सें च अगले 4 थमां 5 दिनें दरान तेज बरखा पौने दी पेशगोई कीती गेई ऐ। मौसम विभाग नै अज्ज गुजरात दे कच्छ ते सौराष्ट्र च बरखा पौने दी पेशगोई कीती ऐ।

<><><><><><>

US

अमरीका दे मध्य—पच्छमी राज्यें च बड़ी मती गर्मी पौने कारण लगभग 6 करोड़ लोक प्रभावत होए न ते सरबंधी अर्जेन्सी नै गर्मी बारे चेतावनी बी जारी करी दित्ती ऐ। मौसम सरबंधी अमरीका दी राष्ट्री सेवा ने आखेआ जे मध्य पच्छमी राज्यें शिकागो, डेल मोनिस ते टोपेका च बड़ी मती गर्मी कारण लोकें गी गर्मी ते उमस बारे चेतावनी जारी करी दित्ती गेई ऐ।

<><><><><><>

Hamas Palestine

ईजराईल दा प्रशासन ते आतंकवादी गुप हमास लगभग 6 लक्ख 40 ज्हार बच्चे गी पोलियो दी खुराक दोआने आस्तै युद्ध च 3 बक्खरे—बक्खरे ध्याड़े गाजा पट्टी च लड़ाईबंदी लेई सैहमत होई गे न। विश्व स्वास्थ्य संगठन डब्ल्यू.एच.ओ. नै आखेआ जे मनुक्खी सहायता गी पुजाने लेई जेगर लोड़ पेई ते लड़ाईबंदी गी चौथे दिन लेई बी बधाय जाई सकदा ऐ।

<><><><><><>

Paris Paralympics

पैरिस पैरालंपिक 2024 खेड्डें च शीतल देवी ते राकेश कुमार दी भारतीय जोड़ी नै मिक्सड कंपाउंड तीरंदाजी वर्ग च पैरालंपिक दा नमां रिकार्ड कायम कीता ऐ।

दौनें जनें 1 ज्हार 399 अंक हासल कीते जेहड़ा के इक नमां रिकार्ड ऐ। दौनें दी जोड़ी हुन 2 सितम्बर गी होने आले क्वार्टर फाइनल मकाबले च खेड़ग।

<><><><><><>

Open Tennis

अमरीकी ओपन टेनिस च रोहन बोपन्ना ते मैथ्यू एबडेन दी भारतीय-आस्ट्रेलियाई जोड़ी नै डच जोड़ी रोबिन हासे ते सेंडर एरेन्ड्स गी 6-3, 7-5 कन्नै हराइयै मर्दे दे डबल्स ओपनिंग मकाबला जित्ती लैता ऐ। दूई वरीयता हासल भारतीय-आस्ट्रेलियाई जोड़ी दा मकाबला अज्ज दुए दौरे च आर.कार्बालेस ते एफ. कोरिया कन्नै होग।

<><><><><><>